


De Plattdüütschen hüt


PLATT? PLATTDÜÜTSCH?

„KENN ICH DOCH... ODER?“

Nuurddüütschland.
Je duller infarft de Region, üm so grötter is dor de Andeil von de Plattdüütschen.



Nedderdüütsch, ok Neddersass'sch orrer Plattdüütsch nöömt, is ein eigen un wohrt Regionalspråk in Nuurddüütschland un in'n Oosten von de Nedderlannen. Mach sin, dat de mihrsten Düütschen sachts denken, Platt orrer de Plattdüütschen gifft dat allein in'n hogen Nuurden, man fröher ded dat Rebeet von de Språkergrupp sogar bet nå Magdeborg un Essen hen reiken. Dat wier üm un bi mit dat nüüdrlich Drüddel von Düütschland cewerein, in'n Nuurden von de so nöömte „Benrather Linie“. Hüt is Nuurddüütschland, dat heit de fief Länner, de an't Wåter liggen, de Region, in wat de grote Mihrheit von de Plattdüütschen läwen, also Minschen, de de Språk snacken un sik tau ehr bekennen daun. Hier is de Språk un ehr Bruk ok tausåmen mit de Minnerheitenspråken in'n Nuurden, so as Frees'sch un Däänsch, an'n mihrsten wohrt un för männichein'n de tweede Mudderspråk näben Düütsch.



So wat as 3,4 Millionen Nuurddüütsche snacken hüt disse Språk. Dat heit, dat de Plattdüütschen knapp 1/5 von de nuurddüütsche Bevölkerung utmåken.




Platt verståhn kœnen hier meist föftig Perzent von de Lüd, un de klore Klang is de mihrsten vertraucht.


Ein nedderdüütsch Wuurt, wat woll jedein all einmål tau hüren krågen hett un wat middewiel ok cewer Nuurddüütschland rut bannig bigång is, is...

„Moin“.

Männich Lüd denken, dat hett wat mit dat düütsche Wuurt „Morgen“ tau daun, man „Moin“ kümmt von't Adjektiv „mooi“, wat so väl as „schön“ bedüden deit.



De Språk is cewrigens tausåmen mit Engelsch, Frees'sch un Nedderlandsch in de Nuurdseegermansch Språkfamilie verbunnen, wat sik ok hüt noch an våle strukturelle Gemeinsamkeiten wiesen deit, un männich Wür' sünd glik orrer hüren sik glik an.



Platt ward in de ganze Gesellschaft snackt un dat von bannig ünnerscheidlichen Minschen. Man tau hüren is Platt ofteins up't Land un in lütte Städte, mihr as in Grotstädte, un von Lüd, de hier up de Welt kåmen sünd, un ok von Minschen, de fröher orrer låter mål inwannert sünd. Ein prominent Bispill hierfür is de bekannte Moderator Yared Dibaba. Un ok de fröhre Bundeskanzler Helmut Schmidt wier ein Plattdüütschen, also...

SNACKST DU OK PLATT? WÅS NICH BANG, TRUUCH DI WAT UN FANG AN!



Länderzentrum für Niederdeutsch gGmbH
E-Mail: info@lzn-bremen.de
www.lzn-bremen.de

Recherche & Inhalt:
Studierender der
Fachhochschule Potsdam

Übertragung ins
mecklenburg-vor-
pommersche Platt:



UNIVERSITÄT GREIFSWALD
Wissen lockt. Seit 1456



Mit freundlicher
Unterstützung von:



Die Beauftragte der Bundesregierung
für Kultur und Medien



Hinweis: Die Quellenangaben sind auf www.germanistik.uni-greifswald.de/knd zu finden.